



ESTD 18th Nov, 1990

Chawlhni Eng

Since April 8 1990

Volume 35 Issue No. 6

An Organ of Republic Vengthlang Branch KTP

11th February, 2024

THUPEK ROPUI BER DAWTU

Tin, an zinga mi pakhat dân bretuin, "Zirtirtu, Dân thuah chuan eng thupek hi nge ropui ber?" tinn a zawt a. Tin, ani chuan a hnenah, 'Lalpa i Pathian chu i thinlung zawng zawngin, i rilru zawng zawngin, i chakna zawng zawngin i hmangaih tur a ni,' tih hi. Chu chu thu pek ropui leh pawimawh ber a ni. Tin, a dawttu, a anpui chu hei hi a ni, 'Nangmah i inhmangaih angin i vengte pawh i hmangaih tur a ni,' tih hi a ti a" (Matthai 22:36-39)

Tunlai chu tupawh mai hi kan buai em em vek mai a, Pathian biak inkhawm pawh hi a zing mah mah tihna lian tak a awm ta a. A tihlem rawtna Synod Inkhawmpuia hial ngaihtuah niin a tlang ta rih lo a ni a, tun ang zel a kan kal chuan tihlem a ngaih hun pawh a awm mai a rinawm. Tunhma khan kan nu leh pa te kha heti tak mai hian an buaiin, 'ka hmanlo ka buai lutuk' te hi an ti ve zung zung ngai a ngem le? Buai chung chung pawhin buai nih kha an tlawngai thin zawk a ni. Kan buai chhan ni a lang thenkhat han tarlang ila :

Rualawhna : Rualawhna nasa tak avangin hmasawn tumnaa intlansiakna hian mitinte min tibuai hle a, chu chuan mahni inngaih pawimawhna/ inhmangaihnaah min hruai lut a, buai em em loh pawhin buai ang deuhin kan awm phah a niin a lang.

Digital media : Hei hian naupang atanga puitling thlengin min tibuai hle a. Mit leh beng a tivir a, tul lemlo hmuh leh hriat chakna hian min tibuai em em a, kan hun tha tam tak min laksakin min khawhraltir a ni.

Programme tam : Zirlai kalphung thar te, NGO leh KTP te hian programme kan ngah thar thut em ni ti ila, a ni chia h bawkw silo. College pawh semester wise anih atang hian exam te a ti tamin hunawl a titem a. NGO leh KTP programme te hi buaipui tham chu a awm tak meuh mai, mahse a programme tak ai chuan a behbawm leh phawvuak a talbuai a tam theih awm e.

Hun vawn thiamloh ve reng vang : Mitin hi Pathianin ni khatah darkar 24, chu chu minute 1440, chu chu second 86400 min pe theuh a, chu hun min pek hmangthiam leh hmang thiamlo kar chu a zau hle a ni.

Mahni inngaih pawimawhna/ inhmangaihna : I Korinth 13:4-7 ah hmangaihna hrilhfhahna kan hmu a. Khang hmangaihna hrilhfhahna kha mahni leh mahni inhmangaihnaah chuan harsa vakloin a lakluh theih mai a, mahse midang chungka kan rilru puthmang tur atan chuan a harsa deuh thin a ni.

Mahni inhmangaih hi thil pawimawh tak, kan tih ngei ngei tur a ni a, tisa lam tak pawhin mahni hriseinate hi kan ngaih pawimawh a ngai a, a nih loh chuan engmah a tih tak tak theihloh. A phu leh tlakte dinchanna khawvel (survival of the fittest) a kan chen avangin tha thlah ngawt chi a nilo. Zirlaiah leh hnathawhnaah te hian mahni hma sial thiam ve a ngaihna chen a awm - midang thuhnuai ringawt a awm chuan pass that te leh taima taka hnathawh te a harsa duh. Tin, midangte kan tanpui hmam tanpui ngailo dinhmuna mahni kan intanpui phawt te pawh a ngaihna chen a awm a ni.

Amaherawhchu, Chanchin Tha Matthaia zia tarlarah khian Lehkhaziaktute zinga miin Isua 'Thupek ropui ber' chungchang a zawh khan Isuan a chhan zawhah a dawttu, "Nangmah i inhmangaih angin i vengte pawh i hmangaih tur a ni" tih kha a sawi tel kher anih kha. A ngai pawimawh hle tih a hriat. Tin, tunge vengte chu tih zawhna pawh Chanchin Tha Luka zia kha khan 'Samari mi tha' chanchinah Chiang takin a lang bawkw a. (Phek lehlamah chhonzawmna...)

KOHRAN HUNRUAT

Inkhawm Hruaitu

Ni 1-15.02.2024 : Upa Lalhmunsanga

Ni 16-29.02.2024 : Upa Siliana

11 February : Pathianni

BIAL KOHRAN HMEICHHE

INKHAWMPUI

14 February : Nilai Zan

Tantu : Pi Liansangkimi

T. Hawngtu : Pu K. Lalhlimpuia

Thupui : "Thlarau Thianglim leh Thlarau diklo"

17 February : Inrinni Zan

Tantu : Nl. Lalrinengi (1)

Thuhriltu : Pu Malsawmtluanga

Tawngtairual leh thuhrlil

KRISTIAN THALAI PAWL

Thawhtanni zan (Ni 12.02.2024)

A hmun : Kohhran Hall

Hruaitu : Pu David Lalruatfela, *Leader*

Tantu : Nl. Catherine Lalhruaitluangi, *Mt.*

Item : Live Band (*Bial Conf. Item*)

2024 Conference Hla Bu zir hoa hun hman tur a ni ang.

Kaihruaitu : 2023 Kohhran Zaipawl Puipate

KOHRAN HMEICHHIA

Thawhlehi zan (Ni 13.02.2024)

Hruaitu : Pi Lalremmawii

Tantu : Pi Lalzirliani

Thusawitu : Pi C. Vanlalzawni, *Chairman*

KOHRAN PAVALAI PAWL

Thawhtanni zan (Ni 12.02.2024)

Hruaitu : Pu C. Lalmuana

Tantu : Pu K. Lalzika

Rilru sawi : Pu Laldika

Pu Zoramfela

ZING TAWNGTAI INKHAWM HRUAITUTE

(Ni 12.02.2024 - 18.02.2024) dar 6:00 a.m

Thawhtanni : Upa F. Lalfakzuala

Thawhlehi : Pi R. Lalramtluangi

Nilaini : Pu PC Lalbiakzuala

Ningani : Pi R. Lalduhawmi (1)

Zirtawpni : Pu Ramengmawia Ralte

Inrinni : Pi Lalchawimawii

Pathianni : Pu R. Lalrawngbawla

Editorial Board

| | | |
|---------------|---------------------------|------------|
| Editor | : Christopher Ramnunmawia | 8730922458 |
| Jt. Editor | : Zakaria VL Tanpuia | 7085207763 |
| News Editors | : Ramengmawia | 9643380080 |
| | Lalchhanchhuaha | 8014653293 |
| | Henry K. Malsawmtluanga | 7627908950 |
| | Zoremthanga | 8414053544 |
| Manager | : Lalremruati | 8575285632 |
| Cir. Managers | : Sammy Zodingsanga | 6909484229 |
| | H. Lalthuamliaana | 8794529394 |
| | B. Rosangliana | 9383101621 |

Kohhran website : www.rvtkohhran.com

(Sermon *chhunzawmna...*)

Chuvangin Isua hian mahni inhmangaih suh u, min ti hran lo va, mahse midang pawh mahni inhmangaih tluk zet a hmangaih ve thei turin min duh a ni.

Sadhu Sundhar Singh-a chu rawngbawla a vah velnaah tum khat chu Himalayan tlang a paltlang a ngai a. Theihtawpa lum a inthuanin a fehchhuak ta a. Chutia a kalnaah chuan khualzin pakhat amah ang bawka chulai hmun paltlang tur hi a tawng hlauh mai a, tichuan chu vûr ram khawvawt tak maiah chuan an kal dun ta a. An kal zelnaah chuan mi pakhat anmahni ang bawka a chu tlang vawt tak paltlang ve tur, mahse a chetsual vanga kal thei tawhlo, kawngsira a thih hun nghaka lo thu reng hi an tawng ta a. Chutah a thianpa zawk chuan, "A khawngaihthlak hle mai, mahse tih theih kan nei silo a, i kalsan phawt mai ang" tiin kalsan a rawt a. Mahse Singh-a chuan a kalsan ve thei tlatlo mai. Duhleh lo va kalsan mai tur leh chu damlo kal thei tawhlo chu a bawihawm tur thu a hrilh a.

Tichuan a thianpa chuan a kalsan ta a, Singh-a erawh chuan chu damlo chu a han pua a, rit a ti hle mai a, khawvawt bawka si nen a kalpui thei tawk tawk a ni. Mahse amah ang bawka chu pa a hmangaihna chuan tilo theiloin a siam a ni. Tichuan, thui fê an kal hnu chuan nichina a thianpa, anmahni kalsantu kha kawngah an hmu leh ta hlawl mai a. Mahse biak tur a lo awm tawh lo. Khawvawtin a lo hmet hlum der mai chu niin. Anni erawh chu khatia an inpuak khan an taksaa lumna lo chhuak chuan a uap lum tawn a, chu khawvawt tak mai hnuaiah pawh chuan an tumram an thlen theih phah ta a ni. Amah ang midang a hmangaihna chu a nun humhantu pawimawh tak a lo ni reng a ni.

Keini pawh hi hetia kan nunhonaah leh rawng kan bawl honaah hian mahni kan inhmangaih piah lamah midangte kan ngaihchan a, kan ngaih pawimawh a, kan hmangaih thiam hi a pawimawh em em a ni. Mahni kan intheihngilh hian a ni thil hriateng tlak te kan tih thin ni. Keimahni kan inhriat kar reng a, mahni indah pawimawh leh lansarh ber duhna thilung kan put ruk kar thinna hian thil hriateng tlak kan tihna tur hi a dal chawk thin a ni. Chuvangin, mahni kan inhmangaih anga midangte kan hmangaih ve theih nan Lalpan a thu malsawm rawh se. Amen.

TUNKAR ZAI HRUAITUTE

Pu Lalrinfela (Leader), *Khuangpu*
 Pu Lalramliana, *Khuangpu*
 Pu Lalfamkima Renthlei, *Khuangpu*
 Pu Lalchangliana, *Khuangpu*
 Pu Lalremtluanga Sailo, *Pianist*
 Tv. F. Lalthansanga, *Pianist*
 Pi Rosie Lalbiaksangi, *Hla Hritlu*
 Ni. Olive Lalenzami, *Hla Hritlu*

KRISTIAN THALAI PAWL

Thupui : Rawngbawl tura chhandam

Thupui inngahna : Ephesi 2:10

"Thil tha ti atân Krista Isuaah chuan siama awmin, ama kutchhuak kan ni si a, chu thil tha tih chu kan awmna turin Pathianin a buatsaih lawk a ni."

Thil tumte:

1. Isua Krista rinna leh amah anna kawnga thalaite hrui
2. Kohhran kut ke ni tura thalaite buatsaih
3. Kohhran hnathawh tihpuitlin
4. Krista chanchin tha puan darh

REPUBLIC VENG PASTOR BIAL KOHHRAN HMEICHHE INKHAWMPUI PROGRAMME

Ni 11.02.2024 (Pathianni) Chawhma Inkhawm

Tan hun : Dar 10:30 A.M.
 Hruaitu : Pi Lamchhingi, *Chairman*
 Tantu : Pi Lalhmingmawii, *RVT*
 F/Voice : Republic Veng
 Zaipawl : Republic Vengthlang
 Speaker : Upa Lalthantluanga, *Speaker*
Krista Thubritlu Team

Thupui : "Takna leh dikna a kû" (I Kor 5:8)

Ni 11.02.2024 (Pathianni) Chawhnu Inkhawm

Tan hun : Dar 1:30 P.M.
 LALPA ZANRIAH SACRAMENT
 Thehtu : Rev. C. Lalchhuanawma, Bialtu Pastor
 Zaipawl : Bial Zaipawl

Ni 11.02.2024 (Pathianni) Zan Inkhawm

Tan hun : Dar 1:30 P.M.
 Hruaitu : Pi Lamchhingi, *Chairman*
 F/Voice : Republic Vengthlang
 Zaipawl : 1) College Veng Kohhran
 2) Bial Zaipawl
 Speaker : Upa Lalthantluanga, *Speaker*
Krista Thubritlu Team

Thupui : "Takna leh dikna a kû" (I Kor 5:8)

INPAWL HONA

Ni 11.02.2024 (Pathianni) Chawhma Inkhawm Ban

Hruaitu : Pi Kaisangi, College Veng

Ni 11.02.2024 (Pathianni) Chawhnu Inkhawm Ban

Hruaitu : Pi F. Lalrindiki, Republic Veng

Kohhran mipuite inkhawmpui chhunga thahnemngai taka inkhawm turin min sawm a ni.

KṬP GENERAL CONFERENCE KAL TUR TANA HRIATTUR

Ni 29.02.2024 - 03.03.2024 chhunga Ngopa khuaa KṬP General Conference neih tura kal tur-te ni 19.02.2024 (*Thawhtanni*) aia tlai lovah Branch Secretary te hnenah hming pek tur a ni a, kal tur te hi ni 26.02.2024 (*Thawhtanni*) zan inkhawm banah inhmukkhawm tur niin Branch senso phuhruk nan ₹100/- theuh thawh ve tur a ni dawn a ni.

TUNKAR CONTROL ROOM DUTY

(Ni 12.02.2024 - 18.02.2024)

1. Pu David Lalruatfela
2. Pu C. Lalhriatpuia